

Muggedätscher Stamm Fasnacht 2000

Au d Hiehner schmegge nimm wie friehner

E jede wo gärn guet duet spyse
mues hite rächt vyyl Muet bewyyse
denn zum en Ässe ganz z'verdaue
sotsch uff d Fytness vo Dym Ranze baue.
Nur wääär e Kerbber het uus Staahl
verdrait die hittig Food-Uuswaahl.
Kuum sitzisch voorem volle Däller
lauft dr Speutz, dr Puls rollt schnäller
und d Maagenäärve feen aa safte
zum jede Bisse guet z vergraffte,
au d Perischtaltik foot aa walte
und schaidet uus was nimm wotsch bhalte.
Wenn Glegg hesch fungzioniere d Niere
zum s Flissigi uff d Sytte z fiehre,
so fillt sich d Bloose in de Hoose
bis ganz knapp under d Giirtelroose.
Au dr Lääbere muesch ganz verdraue
zum dä Gourmet-Aidopf guet z'verdaue.
Breff, Maagewänd uus Eeedelstahl
sin fir e Baizebsuech ganz ideal.
S Ässe schmeggt zwoor und gseeht feyn uus,
dr Inhalt aaber, *ischt eyn Gruus*.
Den Ainte wird's vom Fraass ganz iibel
und kotze gly in näggschte Kiibel,
die andere, dasch gnabb e Drittel,
die lande zletscht im Burgerspittel.
Und alles numme will me d Kieh und d Hiehner
nimm so fieteret wie friehner
statt Heu und Graas und Gärschtekeerner
gits Hiehnermischt und gmaaleni Herner.
So frässe hite d Sey und d Rinder
halb verjäästi Hiehnergrinder,
au Abfäll uus dr Spitalkantine
und Schlachtabfäll gits zwischenyne,
sogar mit dioxin-versychter Ärde,
wird brobiert ob d Seyli faisser würde.
Wenn in e Hiehnerbai wotsch bysse,
waisch nie, ob noochhäuser Bley duesch schysse,
will irgendaine unbesorggt
sy Gläärschlamm via Huehn entsorggt.
No Poulet-Gnuss wirsch so in jedem Fall
zem Ändlaagerblatz vo Schwäärmstell.
und wäägem Hiehnerflaisch wird au dr Vondermühl

grad no sym Dood zem Sondermüll.
Es griege d Milchkieh in de Stallige
vom hormonelle Fuetter Wallige
und s duet uus jeder Utter-Zize
e kääsig blaiche Pflutter spritze,
wo macht, as wenn dä zuedernimmsch
mit Sicherheit als Brüder spinnsch.
Um d Maschtsey vor dr Blatzangscht z schitze
duet mene Tranquilizer spritze
doch as d Gwichtszuenaam au sicher stimmt
wird mit Waxtumsreegler noochedrimmt.
Denn wääre do au no z'erwääne
die Turbo-Hiehner vo de Dääne
wo Solmonelle-Aier leege
und dr Konsumänt zem Schysser reege,
statt brav und flyssig Kernli z bigge
dien sy dy via Ai uffs Heernli schigge.
Mit schnäller waxende Genoome
behandlet me au d Pflanzesoome
und noo nem Gnuss vo soonige Riebli
waisch nimm bisch Maitli oder Biebli.
Au s Coca Cola het e Gschmagg
no Rattegift und Farbelagg
und wenn de vo dämm Gsöff duesch dringge
gseehsch scho dr Sänsemaa Dir wingge.
Dr Mensch wird unbewusst, dasch s Glatte,
zer experimentelle Laborratte.
Dr Induschtrie isch daas vo Nutze
au wenna zwischenyyne ain duet butze
doch wäär mechti do so glainlig sy
s isch doch zem Woohl vo dr Chemie.

Skinschtlerischi Kulinarium vo dr
Fasnacht kaasch ooni gsundhaitligi
Folge uff em Minschterplatz an dr
Ladärnenuusstellig bewundere, vom
Mändig znacht, em **13.** bis em
Mittwuch demorge, em **15.** Merze.



Muggedätscher Jungi Garde Fasnacht 2000

wenn d Mugge zugge byssts am Rugge


Do liggsch amene scheene Summeroobe
mit blutte Schaiche und dito oobe,
im Gartebeedli und wotsch's gniessie,
doch ohalätz, scho muesch es biesse.
Kuum sinnelisch dy digge Ranze
so kemme sy duur d Luft aazdanze
die Sterefriid und Bluetsuug-Mugge
und stäche dy in blutte Rugge
sy suure dir ganz fyyn um d Ohre
und scho hesch d Seelerueh verloore
verby isch d Fraid, verby dr Fridie
und schnäll wird Antibrumm ygriibe,
das hebbt zwoor e Momäntli aane,
doch do summits scho wiider, nunedfahne!
Ai Schnoogg spiilt bletzlig Kamikaze
und sticht dy voll grad zmizt in d Naase
verzwyflet wotsch dä Mugg verquätsche
duesch mit dr Fuscht uff d Naase brätsche
doch laider hesch vyyl z heftig gschlaage
und s aige Bluet lauf uff dr Hemmligraage
schnäll wotsch drumm s Naasduech uuserysse
do foots dy am Fuessglängg aafuu bysse
denn dert het e Schnoogg dr Broote groche
und dy in lingge Knechel gstoche
scho brobiersch ganz gsteert dä Kaib z verdrugge
do paggt dy am Ohr e näggscchi Mugge
gschwind schloosch sy mit dr Hand zem Flaade
derfiir hesch jetz en Ohreschaade
und scho sticht dy e ganz e Schnoogge-Sippe
am Rugge hinde zwische d Rippe,
nadyrlig gnau deert, wo au mid zwänge,
zum gratze kuum kaasch aanelänge
und bletzlig fooht aa s Handglängg schwille
will dert e Schnoog dy ganz im Stille
in d Haupschlaagoodere het bisse
doch er isch scho furt und Du dr Bschesse.
E zwaity Schicht vo Schnooggen-Eel
hilft kuzi Zyt, beruehiget d Seel
doch au das verdrybbt die Mugge noonie
au wenn d jetz oobe mit statt ohni
verzwyflet uff die Mugge brätschisch
und siigessicher e baar verdätschisch.

Die kaibe Vycher sin en ächti Quaal
aber immer in dr Iiberzaal
so vermyyse dir die Brummer zoobe
s draage vo de Summer-Roobe
und mache, as drotz guetem Wille
gar nie hesch dr Muet zem grille.
Die Schnooge zelle Myriaade
sy blooge dy bim sunnebaade,
bim jätte in dym Schreebergarte
und wenn de duesch uffs Drämmli warte,
sy stäche dy wenn d säälig pfuuisch
und wenn de mit dym Gschpuusi schmuusisch,
sy stäche dy in die bludde Waade
wenn am Rhybord liggsch und mechtisch baade,
und wenn de mechtsch go velofaahre
halte sy dy au zem Naare
und stäche dy in d Augedeggel
ass nyt me seehsch, he gopferdeggel!
E kaibe Landbloog sin die Brummer
und vermyyse aim dr ganzi Sumer
kai Salbi hilft, kai Antibrumm,
kai Mitteli bringt die Schnooggen umm!
Und doch, ai Drigg gits, zwoor e harte,
muesch numme bis zem Winter warte.

D Ladärneusstellig uff em
Minschterplatz isch garantiert
mugge- und schnoogefrey und zwar
vom Mändig znacht, em 13. bis em
Mittwuch demorge, em 15. Merze.

Am Frytig-Noomidaag, am 17. und
am Samschtig, 18. Merze, dien sich
alli Junge Garde uff em Barfi
vorstelle und hoffe uff vyyl Bsuecher
und Jungi.

Wotsch bi uns in dr Junge Garde
mitmache? Denn schnyyd do dää Coupon
ab, schryyb Dy Naame und Dy Adrässe
druff und schigg dä Zeedel an
unsere Obmaa:
Otti Müller, Michelbacherstraase 23
4055 Basel



Muggedätscher Binggis Fasnacht 2000

wenn d Mugge zugge byssts am Rugge

Do liggsch am ene scheene Summerooobe
mit blutte Schaiche und dito oobe,
im Gartebeedli und wotsch's gniessie,
doch ohalätz, scho muesch es biesse.
Kuum sinnelisch dy digge Ranze
so kemme sy duur d Luft aazdanze
die Sterefriid und Bluetsuug-Mugge
und stäche dy in blutte Rugge
sy suure dir ganz fyyn um d Ohre
und scho hesch d Seelerueh verloore
verby isch d Fraid, verby dr Friide
und schnäll wird Antibrumm ygriibe,
das hebbt zwoor e Momäntli aane,
doch do summits scho wiider, nunedfahne!
Ai Schnoogg spiilt bletzlig Kamikaze
und sticht dy voll grad zmizt in d Naase
verzwyflet wotsch dä Mugg verquätsche
duesch mit dr Fuscht uff d Naase brätsche
doch laider hesch vyyl z heftig gschlage
und s aige Bluet lauf uff dr Hemmligraage
schnäll wotsch drumm s Naasduech uuserysse
do foots dy am Fuessglängg aafuu bysse
denn dert het e Schnoogg dr Broote groche
und dy in lingge Knechel gstoche
scho brobiersch ganz gsteert dä Kaib z verdrugge
do paggt dy am Ohr e näggschti Mugge
gschwind schloosch sy mit dr Hand zem Flaade
derfir hesch jetz en Ohreschaade
und scho sticht dy e ganz e Schnoogge-Sippe
am Rugge hinde zwische d Rippe,
nadyrlig gnau deert, wo au mid zwänge,
zum gratze kuum kaasch aanelänge
und bletzlig fooht aa s Handglängg schwille
will dert e Schnoog dy ganz im Stille
in d Haupschlaagoodere het bisse
doch er isch scho furt und Du dr Bschesse.
E zwaity Schicht vo Schnooggen-Eel
hilft kuzi Zyt, beruehiget d Seel
doch au das verdrybbt die Mugge noonii

au wenn d jetz oobe mit statt ohni
verzwyflet uff die Mugge brätschisch
und siigessicher e baar verdätschisch.
Die kaibe Vycher sin en ächti Quaal
aber immer in dr liberzaal
so vermyyse dir die Brummer zoobe
s draage vo de Summer-Roobe
und mache, as drotz guetem Wille
gar nie hesch dr Muet zem grille.
Die Schnooge zelle Myriaade
sy blooge dy bim sunnebaade,
bim jätte in dym Schreebergarte
und wenn de duesch uffs Drämmli warte,
sy stäche dy wenn d säälig pfuusisch
und wenn de mit dym Gschpuusi schmuusisch,
sy stäche dy in die bludde Waade
wenn am Rhybord liggsch und mechtisch baade,
und wenn de mechtsch go velofahre
halte sy dy au zem Naare
und stäche dy in d Augedeggel
ass nyt me seehsch, he gopferdeggi!
E kaibe Landbloog sin die Brummer
und vermyyse aim dr ganzi Sumer
kai Salbi hilft, kai Antibrumm,
kai Mitteli bringt die Schnooggen umm!
Und doch, ai Drigg gits, zwoor e harte,
muesch numme bis zem Winter warte.

D Ladärneusstellig uff em
Minschterplatz isch garantiert
mugge- und schnoogefrey und zwar
vom Mändig znacht, em 13. bis em
Mittwuch demorge, em 15. Merze.

Am Frytig-Noomidaag, am 17. und
am Samschtig, 18. Merze, dien sich
alli Junge Garde uff em Barfi
vorstelle und hoffe uff vyyl Bsuecher
und Jungi.

Wotsch bi uns in dr Junge Garde
mitmache? Denn schnyyd do dää Coupon
ab, schryyb Dy Naame und Dy Adrässe
druff und schigg dä Zeedel an
unsere Obmaa:
Otti Müller, Michelbacherstraase 23
4055 Basel